



GREGORIUS PAPA XIII.

*Bibliotheca Viennensis L
Ad futuram rei memoriam.*

UM pro munere pastorali humeris nostris
inuncto id præcipue nobis propositum habe-
mus, ut omni studio, diligentiaque omnes Christi fideles
his præsertim tam gravibus, calamitosisq; temporibus in-
recta, & Catholica fide continere, curemus: ac propter-
ea id in primis nobis agendum, & providendum sit, ut
omnem omnibus aberrandi ab ea occasionem subtraham-
us. Dudum ob hujus rei executionem, adhibitis non-
nullis ex fratribus nostris sanctæ Romanæ Ecclesiæ Cardinalibus, adjuncto etiam a-
liquorum doctrina & pietate insignium virorum studio, Decretum Gratiani nun-
cupatum absque glossis, necnon idem Gratiani Decretum cum Decretalibus Grego-
rii Papæ Noni prædecessoris nostri, Sexto, Clementinis, & Extravagantibus, non mo-
dò cum veteribus glossarum auctoribus, quibus cùm viri pii, & Catholici fuerint, i-
gnoscendum videtur, si quid vel ob errorem in illis, vel quia nondum pleraque à sa-
cris Conciliis diffinita fuerant, liberius locuti sunt: Verum etiam cùm his quæ ab im-
piis scriptoribus tam extra in marginibus, quam etiam intra asperfa fuerant Catholi-
cæ veritati contraria revidendi, corrigendi, & expurgandi curam demandavimus.
Cùm autem ipsum Decretum absque glossis à præfatis, à nobis deputatis jam totum
emendatum, & correctum, ac nonnullis annotationibus illustratum existat, ipsiusq;
major pars à dilecto filio Paulo Constabili, tunc sacri nostri Palatii Apostolici Magis-
tro unà cum dictis Decretalibus felicis recordationis Gregorii Noni præde-
cessoris nostri jam impressis, recognita & approbata sit. Reliquum verò ejusdem
Decreti unà cum annotationibus prædictis tam absque glossis, quam ipsum totum
cum glossis, Sextumque & Clementinas simul, & Extravagantes à dilecto filio Si-
xto Fabri, ejusdem Palatii nostri Apostolici Magistro recognoscenda omnia, &
approbanda in officina populi Romani, quæ ad hoc potissimum, ut libri sacri
in ea fideliter, & incorruptè imprimantur, erecta fuit, imprimi, & impressa divul-
gari jusserimus, ac ut ad majorem Christi fidelium ubique tam intra quam ex-
tra Italianam, citra, & ultra montes commorantium commoditatem, hoc juris
Canonici corpus fideliter, & incorruptè juxta exemplar huc Romæ impressum à

P R A E F A T I O.

Catholicis Typographis, à Romano populo, sive ab eo deputatis, vel pro tempore deputandis electis imprimi possit. Nos opportunè providere volentes, ut hoc jus Canonicum sic expurgatum ad omnes ubique Christi fideles sartum testum perveniat, ac ne cuiquam liceat eidem operi quicquam addere, vel immutare, aut invertere, nullavè interpretamenta adjungere: sed prout in hac nostra Urbe Roma nunc impressum fuit, semper & perpetuò integrum & incorruptum conservetur. Motu proprio & ex certa nostra scientia, ac de Apostolica potestatis plenitudine omnibus & singulis in nostro, & sanctæ Romanæ Ecclesiæ domino, nobis, & eidem Romanæ Ecclesiæ mediata vel immediate subiecto commorantibus, vel ad illud quovis prætextu advenientibus, ac etiam extra dictum dominium ubilibet existentibus Typographis, & librorum impressoribus, ac Bibliopolis, & quibuscumque aliis personis utriusque sexus cujuscumque dignitatis, status, gradus, ordinis, vel conditionis existant, in virtute sanctæ obedientiæ, ac sub excommunicationis majoris latæ sententie, & quoad nunc, & pro tempore in dicto nostro, & Romanæ Ecclesiæ domino mediata vel immediate subiecto commorantes, etiam ultra præmissa sub amissione librorum, ac mille ducatorum aurii de Camera pro una videlicet officio Inquisitionis hæreticæ pravitatis, & pro alia accusatori, & pro reliqua tertii partibus Judici executori irremissibiliter applicandorum, aliisque arbitrii nostri pœnis eo ipso si & quoties contra factum fuerit, & per quemlibet contravenientem incurrendis Apostolica autoritate tenore præsentium inhibemus, & interdicimus, ne ipsius Gratiani Decretum cum annotationibus, & idem cum glossis, Decretalibus Gregorii Noni prædecessoris nostri, Sexto, Clementinis, & Extravagantibus ut præfertur, de cætero per Decennium à data præsentium sub quovis titulo alibi quam in Urbe nostra, & in eadem officina impressoria dicti populi Romani, & iis, quibus ab eodem populo Romano, & ab eo ad hoc pro ipso Populo deputatis, tam in Italia, quam extra Italiam ubilibet facultas & licentia per dictum tempus desuper concessa fuerit, prout nos eidem populo Romano, & eisdem ab eo deputatis, ut hujusmodi licentiam & facultatem tam in Italia, quam extra Italiam ubilibet cuicunque, & quibuscumque ipsi populo Romano, seu ejus pro eo Deputatis pro tempore videbitur, & placebit, ac pro tempore eidem populo, & ejus deputatis visum fuerit, significata prius nobis, & approbata persona, concedere, illamque sic concessam prout, & quando sibi placuerit, revocare liberè & licite valeant, indulgemus, impressum, & imprimendum tenere, vendere, dare, donare, vel alias quomodolibet habere, vel transferre, neque etiam ipsi absque expressa etiam in scriptis licentia ejusdem populi Romani, & ab eo Deputatorum dictum Gratiani Decretum cum ipsis annotationibus, & idem cum glossis, Gregorii Noni prædecessoris nostri Decretalibus, Sexto, Clementinis, & Extravagantibus, ut dictum est, imprimere, nec per dictum decennium ab eis, vel aliis, præterquam à dicto populo Romano, & ab eo Deputatis, vel de eorum licentia, ut præfertur, impressum & imprimendum alias habere, seu tenere, aut etiam vendere, vel donare, seu imprimi, teneri, vendi, donari, aut alias transferri facere per se, vel alium, seu alios, publicè vel occultè, directè seu indirectè quovis quæsito colore, vel ingenio audeant, seu præsumant: ita quod etiam nulli omnino hominum tam in urbe, & tota Italia, quam extra ubivis Terrarum, Regnum, Regionum, & Provinciarum totius orbis liceat hujusmodi libris dicti juris Canonici sic, ut præfertur, de mandato nostro recognitis, correctis, expurgatis quicquam addere, detrahere, vel immutare, aut inverte-

P R A E F A T I O .

invertere, nullāve interpretamenta adjungere, sed prout opus hujusmodi Romæ nunc impressum fuit, semper & perpetuò integrum & incorruptum conservetur, statuimus, sancimus, & ordinamus: mandantes universis & singulis venerabilibus fratribus, Patriarchis, Archiepiscopis & Episcopis, cæterisque locorum ordinariis, & eorum Vicariis in spiritualibus, & temporalibus, & in statu temporali sanctæ Romanæ Ecclesiæ etiam Legatis, Vicelegatis, Sedis Apostolicæ, ac ipsius status Gubernatoribus, Potestatibus, & Locumtenantibus, ut quoties pro parte dicti populi Romani, & ab eo Deputatorum, seu licentiam & facultatem ab ipsis, ut præfertur, pro tempore habentium, fuerint requisiti, vel eorum aliquis fuerit requisitus, eisdem populo, & Deputatis, ac ab ipsis licentiam & facultatem haben. efficacis defensionis præsidio assistentes præmissa ad omnem populi Romani & ab eo Deputatorum prædictorum licentiam seu facultatem haben. requisitionem contra inobedientes & rebelles etiam per censuras Ecclesiasticas, etiam sèpius aggravan. & per alia juris remedia auctoritate Apostolica exequantur: invocatio etiam ad hoc, si opus fuerit, auxilio brachii secularis. Et insuper quia difficile admodum esset præsentes literas ad quælibet loca deferri: Volumus, & eadem Apostolica auctoritate decernimus, illarum transsumptis, & exemplis manu Notarii publici subscriptis, & sigillo Curiae, vel personæ in dignitate Ecclesiastica constitutæ munitis, & etiam in ipsis operibus impressis plenariam & eandem prorsus fidem ubique tam in judicio, quam extra judicium haberet, quæ præsentibus haberetur: non obstantibus constitutionibus & ordinationibus Apostolicis, ac quorumcunque locorum, Gymnasiorum, & Universitatum, etiam studiorum generalium juramento confirmatione Apostolica, vel quavis firmitate alia reboratis statutis, & consuetudinibus, privilegiis quoque indultis, & literis Apostolicis etiam illis, & illorum, ac quibusvis aliis personis sub quibuscumque tenoribus, & formis, etiam motu, scientia, & potestatis plenitudine similibus, ac aliâs in contrarium quomodolibet concessis & approbatis, ac in posterum concedendis, & approbadis. Quibus omnibus etiam si de illis specialis mentio habenda esset, eorum tenores præsentibus pro expressis habentes, illis aliâs in suo robore permansuris hac vice duntaxat specialiter & expressè derogamus, contrariis quibuscumque. Aut si aliquibus communiter vel divisum ab eadem sit sede indultum, quod interdici, suspen- di, vel excommunicari non possint per literas Apostolicas non facien. plenam, & expressam, ac de verbo ad verbum de indulto hujusmodi men- tionem. Datum Romæ apud sanctum Petrum sub an- nulo Piscatoris, die prima Julii, m. d. lxxx.

Rontificatus nostri anno

nono.

Cæ. Glorierius.

